

## SURAH SAD



Surah: 38 Juzuk: 23 Bil. Ayat: 88

*Dengan nama Allah Yang Maha Pemurah,  
lagi Maha Mengasihani.*

1. Saad, demi al-Quran yang mengandung peringatan.
2. Tetapi orang yang kafir itu (berada) dalam kesombongan dan permusuhan.
3. Berapa banyak umat yang terdahulu daripada mereka yang telah Kami binasakan? Lalu mereka meminta pertolongan, padahal saat itu bukanlah saat untuk melepaskan diri daripada azab.
4. Mereka merasa hairan bahawa mereka didatangi seorang rasul pemberi peringatan daripada kalangan mereka sendiri. Mereka yang kafir itu berkata: «Orang ini adalah seorang ahli sihir yang banyak berdusta».
5. «Apakah dia menjadikan tuhan-tuhan itu Tuhan yang satu sahaja? Sesungguhnya ini adalah satu perkara yang menakjubkan!»
6. Lalu pergilah ketua-ketua mereka (sambil berkata): «Pergilah kamu dan tetaplah (menyembah) tuhan-tuhan kamu. Sesungguhnya ini benar-benar suatu perkara yang dikehendaki».

بِسْمِ اللَّهِ الرَّحْمَنِ الرَّحِيمِ

ص وَالْقُرْآنِ ذِي الذِّكْرِ ١

بَلِ الَّذِينَ كَفَرُوا فِي عِزِّهِمْ شِقَاقِي ٢

كِرَاهًا لِحُكْمِهِمْ فَتِلْكَ فِتْنَةٌ قَدْ أَتَى بِهَا بَعْضٌ مِنَ  
مَنَاصِي ٣

وَعَجِبُوا أَنْ جَاءَهُمْ مُنذِرٌ مِّنْهُمْ وَقَالَ الْكٰفِرُونَ  
هَذَا سِحْرٌ مُّكْدَبٌ ٤

أَجْعَلِ الْأَلِهَةَ إِلَهًا وَاحِدًا إِنَّ هَذَا لَشَيْءٌ  
عَجَبٌ ٥

وَأَنطَلِقُ الْمَلَائِكَةَ مِنْهُمُ أَنْ آمْسُوا وَاصْبِرُوا عَلٰى  
ءَالِهَتِكُمْ إِنَّ هَذَا لَشَيْءٌ يُرَادُ ٦

7. «Kami tidak pernah mendengar tentang perkara ini dalam agama yang terakhir<sup>(1)</sup>. (Mengesakan Allah) ini hanyalah rekaan dan dusta semata-mata».
8. (Mereka berkata lagi): «Mengapakah wahyu peringatan itu diturunkan kepada Muhammad dan bukannya yang lain di antara kita?» (Mereka bukan sahaja mengingkari kelayakan Muhammad) bahkan mereka berada dalam keraguan tentang peringatan yang Aku wahyukan itu, mereka belum lagi merasai azabKu.
9. Atau apakah mereka mempunyai perbendaharaan rahmat Tuhanmu yang Maha Perkasa lagi Maha Melimpah pemberianNya?
10. Atau adakah mereka mempunyai kuasa pemerintahan langit dan bumi serta apa yang ada di antara keduanya? (Jika ada) maka biarlah mereka menaiki tangga-tangga (ke langit).
11. (Sebenarnya mereka hanyalah) sepasukan tentera daripada kumpulan-kumpulan (yang menentang kebenaran), yang pada suatu masa kelak tetap akan dikalahkan<sup>(2)</sup>.

مَا سَمِعْنَا بِهَذَا فِي الْمِلَّةِ الْآخِرَةِ إِنْ هَذَا إِلَّا  
أَخْتِلَافٌ ﴿٧﴾

أَنْزَلَ عَلَيْهِ الذِّكْرَ مِنْ بَيْنِنَا بَلْ هُمْ فِي شَكٍّ مِنْ  
ذِكْرِي بَلْ لَمَّا يَدْعُونَ عَذَابًا ﴿٨﴾

أَمْ عِنْدَهُمْ خَزَائِنُ رَحْمَةِ رَبِّكَ الْعَزِيزِ الْوَهَّابِ ﴿٩﴾

أَمْ لَهُمْ مُلْكُ السَّمَوَاتِ وَالْأَرْضِ وَمَا بَيْنَهُمَا  
فَلْيَرْتَفِعُوا فِي الْأَسْبَابِ ﴿١٠﴾

جُذُومًا هَانًا إِنْ هَذَا إِلَّا خَرَابٌ ﴿١١﴾

1 Menurut kafir Quraisy, agama yang terakhir ialah agama Nasrani yang mempercayai tuhan ada tiga.

2 Kekalahan yang dimaksudkan ialah pada perang Khandaq atau perang Ahzab di mana beberapa golongan kaum musyrikin, kabilah Yahudi dan kabilah Arab yang berpakat menyerang kaum muslimin di Madinah. Peperangan ini berakhir dengan kucar-kacirnya=

12. Sebelum mereka itu, kaum Nuh, Aad (kaum Hud) serta Firaun yang mempunyai kerajaan yang kuat, juga telah mendustakan rasul masing-masing.
13. Juga Thamud (kaum Soleh), kaum Lut dan penduduk Aikah<sup>(1)</sup>, merekalah golongan bersekutu.
14. Tidak ada satupun daripada kaum-kaum yang tersebut, melainkan telah mendustakan para rasul, maka mereka berhak ditimpa azab.
15. Orang ini (yang menentang Muhammad), tidak menunggu melainkan satu jeritan suara<sup>(2)</sup> yang tidak akan berulang lagi.
16. Mereka berkata pula (dengan mempersenda): «Wahai Tuhan kami! Segerakanlah azab yang ditetapkan bagi kami sebelum datangnya hari Perhitungan<sup>(3)</sup>».
17. Bersabarlah (wahai Muhammad) terhadap apa sahaja yang mereka katakan, ingatlah hamba Kami Daud yang mempunyai kekuatan (dalam pegangan agamanya), sesungguhnya dia sangat taat.
18. Sesungguhnya Kami telah menundukkan gunung-ganang untuk bertasbih bersama-sama

كَذَّبَتْ قَبْلَهُمْ قَوْمُ نُوحٍ وَعَادٌ وَفِرْعَوْنُ  
ذُو الْأَوْتَادِ ﴿١٢﴾

وَتَمُودُ وَقَوْمُ لُوطٍ وَأَصْحَابُ لَيْكَةِ أُولَئِكَ  
الْأَخْرَابُ ﴿١٣﴾

إِنْ كُنْ لِلْإِكْذَابِ الرَّسُلَ فَحَقَّ  
عِقَابِ ﴿١٤﴾

وَمَا يَنْظُرُ هَؤُلَاءِ إِلَّا صَيْحَةً وَاحِدَةً مِّمَّا هِيَ  
مِنْ فَوْقِ ﴿١٥﴾

وَقَالُوا رَبَّنَا عَجَلْ لَنَا قِطْنَآ قَبْلَ يَوْمِ الْحِسَابِ ﴿١٦﴾

أَضِرُّ عَلَى مَا يَفْتُولُونَ وَادُّرْ عَبْدَنَا دَاوُدَ ذَا الْأَيْدِ  
إِنَّهُ أَوَّابٌ ﴿١٧﴾

إِنَّا سَخَّرْنَا الْجِبَالَ مَعَهُ يُسَبِّحْنَ بِآلِ عِشِيِّ  
وَالْأَشْرَاقِ ﴿١٨﴾

= tentera mereka. Sebahagian ahli tafsir menyatakan bahawa yang dimaksudkan ialah peperangan Badar.

1 sebuah kampung di negeri Madyan.

2 Jeritan suara ini ialah petanda hari kiamat, jeritan yang amat keras dan cepat.

3 hari kiamat.

dengannya pada waktu petang dan pagi.

19. (Kami juga tundukkan) burung-burung dalam keadaan terkumpul. Masing-masing sangat taat (kepada Allah).
20. Kami kuatkan kerajaannya, serta Kami kurniakan kepadanya hikmah dan kepetahan berkata-kata dalam memutuskan sesuatu perkara.
21. Sudahkah sampai kepadamu (wahai Muhammad) berita orang yang bertelingkah? Ketika mereka memanjat tembok tempat ibadat.
22. Iaitu ketika mereka masuk menemui Daud, lalu dia terkejut kerana (kedatangan mereka). Mereka berkata kepadanya: «Janganlah takut, (kami ini) adalah dua orang yang bertelingkah. Salah seorang daripada kami telah menzalimi yang lain, maka hukumlah kami dengan adil dan janganlah melampau, serta pimpinlah kami ke jalan yang lurus».
23. «Sebenarnya orang ini ialah saudaraku, dia mempunyai sembilan puluh sembilan ekor kambing betina dan aku mempunyai seekor sahaja. Dia telah (mendesakku dengan) berkata: «Serahkanlah yang seekor itu kepadaku», dan dia

وَالطَّيْرَ مَحْشُورَةً كُلٌّ لَهُ أَوَابٌ ﴿١٩﴾

وَسَدَدْنَا مَلَكُوهَآ وَءَاتَيْنَاهُ الْحِكْمَةَ وَفَضَّلْنَا الْخِطَابِ ﴿٢٠﴾

﴿ وَهَلْ أَتَاكَ نَبَأُ الْخَضِرِ إِذْ سَوَّرُوا الْمِحْرَابِ ﴿٢١﴾

إِذْ دَخَلُوا عَلَى دَاوُدَ فَفَزِعَ مِنْهُمْ قَالُوا لَا تَخَفْ خَصِمَانِ بَغِي بَعْضُنَا عَلَى بَعْضٍ فَأَحْكُم بَيْنَنَا بِالْحَقِّ وَلَا تُشْطِطْ وَاهْدِنَا إِلَى سَوَاءِ الصِّرَاطِ ﴿٢٢﴾

إِنَّ هَذَا أَخِي لَهُ تِسْعٌ وَتِسْعُونَ نَعْجَةً وَلِيَ نَعْجَةٌ وَاحِدَةٌ فَقَالَ أَكْفِلْنِيهَا وَعَزَّنِي فِي الْخِطَابِ ﴿٢٣﴾

telah menewaskan aku dalam perdebatan itu».

24. Daud berkata: «Sesungguhnya dia telah menzalimimu dengan meminta kambingmu itu (sebagai tambahan) kepada kambing-kambingnya, dan sesungguhnya memang ramai di antara orang yang bersekutu itu, sesetengahnya melakukan kezaliman kepada sesetengah yang lain, kecuali orang yang beriman dan beramal soleh, sedang mereka amatlah sedikit!» Daud mengetahui sebenarnya Kami telah mengujinya, lalu dia memohon ampun kepada Tuhannya sambil merebahkan dirinya sujud dan bertaubat.
25. Maka Kami ampunkan kesalahannya itu, sesungguhnya dia mempunyai kedudukan yang dekat di sisi Kami serta sebaik-baik tempat kembali.
26. Wahai Daud, sesungguhnya Kami telah menjadikanmu khalifah di bumi, maka hukumkanlah di antara manusia dengan (hukum syariat) yang benar. Janganlah engkau mengikut hawa nafsu kerana ia akan menyesatkanmu daripada jalan Allah. Sesungguhnya orang yang sesat daripada jalan Allah akan mendapat azab yang dahsyat kerana mereka melupakan hari Perhitungan itu.

قَالَ لَقَدْ ظَلَمَكَ بِسُؤَالِ نَجَاتِكَ إِلَىٰ تَعَالَىٰ ۗ وَإِنَّ  
كثيرًا مِّنَ الظَّالِمِينَ يَتَّبِعُونَ بَعْضُهُمْ عَلَىٰ بَعْضٍ إِلَّا  
الَّذِينَ آمَنُوا وَعَمِلُوا الصَّالِحَاتِ وَقَلِيلٌ مَّا هُمْ  
وَظَنَّ دَاوُدُ أَنَّمَا فَتَنَّاهُ فَاسْتَغْفَرَ رَبَّهُ وَخَرَّ رَاكِعًا  
وَأَنَابَ ﴿٤٤﴾

فَغَفَرْنَا لَهُ ۗ وَذَلِكَ وَرَدَّنَا لَهُ ۗ وَعِنْدَنَا لِرَأْفِقٍ  
وَحَسَنٍ مَّعَابِرٍ ﴿٤٥﴾

بِئْسَ الْاُورْدُ إِنَّا جَعَلْنَاكَ خَلِيفَةً فِي الْأَرْضِ فَاحْكُم  
بَيْنَ النَّاسِ بِالْحَقِّ وَلَا تَتَّبِعِ الْهَوَىٰ فَيُضِلَّكَ عَن  
سَبِيلِ اللَّهِ ۗ إِنَّ الَّذِينَ يَضِلُّونَ عَن سَبِيلِ اللَّهِ  
لَهُمْ عَذَابٌ شَدِيدٌ بِمَا نَسُوا يَوْمَ الْحِسَابِ ﴿٤٦﴾

27. Kami tidak menciptakan langit dan bumi serta apa yang ada di antara keduanya sebagai ciptaan yang tidak mengandung hikmah dan keadilan. Itu adalah sangkaan orang kafir! Maka celakalah orang yang kafir itu kerana mereka akan masuk neraka.
28. Patutkah Kami jadikan orang yang beriman dan beramal soleh itu sama seperti orang yang melakukan kerosakan di muka bumi? Atau patutkah Kami jadikan orang yang bertakwa sama seperti orang yang berdosa?
29. Al-Quran ini Kami turunkan kepadamu (dan umatmu wahai Muhammad). Kitab yang banyak faedah dan manfaatnya, untuk mereka memahami dengan teliti kandungan ayat-ayatnya dan untuk orang yang berakal mengambil iktibar.
30. Kami telah kurniakan kepada Daud (seorang anak bernama) Sulaiman, dia adalah sebaik-baik hamba dan sangat taat (kepada Allah).
31. (Ingatkanlah peristiwa) pada suatu petang ketika dipertunjukkan kepada Sulaiman, (sekumpulan kuda) yang tenang ketika berdiri (jinak), lagi tangkas ketika berlari.

وَمَا خَلَقْنَا السَّمَاءَ وَالْأَرْضَ وَمَا بَيْنَهُمَا بَاطِلًا  
ذَلِكَ ظَنُّ الَّذِينَ كَفَرُوا هُوَيْلٌ لِلَّذِينَ كَفَرُوا مِنْ  
النَّارِ ﴿٢٧﴾

أَمْ جَعَلُوا الَّذِينَ آمَنُوا وَعَمِلُوا الصَّالِحَاتِ كَالْمُفْسِدِينَ  
فِي الْأَرْضِ أَمْ جَعَلُوا الْمُتَّقِينَ كَالْفُجَّارِ ﴿٢٨﴾

كِتَابٍ أَنْزَلْنَاهُ إِلَيْكَ مُبَارَكٌ لِيَدَّبَّرُوا آيَاتِهِ  
وَلِيَتَذَكَّرَ أُولُو الْأَلْبَابِ ﴿٢٩﴾

وَوَهَبْنَا لِدَاوُدَ سُلَيْمَانَ نِعَمَ الْعَبْدِ إِنَّهُ رَءُوفٌ  
رَءُوفٌ ﴿٣٠﴾

إِذْ عُرِضَ عَلَيْهِ بِالْعَشِيِّ الصَّافِرَاتُ الْيَتَامَىٰ ﴿٣١﴾

32. Maka Sulaiman berkata:  
«Sesungguhnya aku telah mengutamakan sesuatu yang baik lebih daripada aku mengingati (kebesaran) Tuhanku, sampai matahari terbenam».
33. (Kemudian Sulaiman berkata kepada orangnya): «Bawa kuda itu kepadaku», maka dia pun mengusap betis dan leher kuda itu (seekor demi seekor).
34. Sesungguhnya Kami telah menguji Sulaiman, Kami letakkan di atas takhta kebesarannya satu jasad (yang tidak cukup sifatnya) kemudian dia kembali (merayu kepada Kami)<sup>(1)</sup>.
35. Katanya: «Wahai Tuhanku! Ampunkanlah kesilapanku, dan kurniakanlah kepadaku sebuah kerajaan yang tidak dimiliki oleh sesiapaupun selepasku, sesungguhnya Engkaulah yang sentiasa melimpah kurniaanNya».
36. Maka (Kami kabulkan permohonannya lalu) Kami permudahkan baginya angin yang bertiup perlahan-lahan mengikut

فَقَالَ إِنِّي أَحْبَبْتُ حُبَّ الْخَيْرِ عَن ذِكْرِ رَبِّي حَتَّى تَوَارَتْ بِالْحِجَابِ ﴿٢٢﴾

رُدُّوهَا عَلَيَّ فَطَفِقَ مَسْحًا بِالسُّوقِ وَالْأَعْنَاقِ ﴿٢٣﴾

وَلَقَدْ فَتَنَّا سُلَيْمَانَ وَأَلْقَيْنَا عَلَى كُرْسِيِّهِ جَسَدًا ثُمَّ أَنَابَ ﴿٢٤﴾

فَالَ رَبِّ اغْفِرْ لِي وَهَبْ لِي مُلْكًا لَا يَبْغِي لِأَحَدٍ مِن بَعْدِي إِنَّكَ أَنْتَ الْوَهَّابُ ﴿٢٥﴾

فَسَخَّرْنَا لَهُ الرِّيحَ تَجْرِي بِأَمْرِهِ رُجَاءً حَيْثُ أَصَابَ ﴿٢٦﴾

1 Ujian terhadap nabi Sulaiman a.s ialah sebagaimana yang disebut dalam hadith-hadith yang sahih: Bahawa baginda, pada suatu malam bersumpah akan bersatu dengan isteri-isterinya supaya setiap seorang daripada mereka melahirkan anak lelaki yang akan berjuang di jalan Allah, tetapi Sulaiman tidak menyebut “Insyah Allah” di dalam sumpahnya itu sekalipun telah diingatkan oleh malaikat. Disebabkan kesilapannya itu, hanya seorang anak yang tidak cukup sifat dilahirkan, lalu bidan meletakkannya di atas takhta kebesaran Sulaiman untuk dilihatnya. Di dalam hadith itu Rasulullah s.a.w menerangkan: Kalaulah nabi Sulaiman a.s berkata: “Insyah Allah” pasti dia mendapat anak-anak yang sempurna sifat yang dapat berjuang pada jalan Allah.

kemahuannya, ke mana sahaja arah yang hendak ditujunya.

37. (Kami memudahkan baginya memerintah) jin syaitan, (dia memerintah) golongan-golongan yang pandai membina bangunan dan yang menjadi penyelam (bagi menjalankan kerja masing-masing).
38. Jin-jin syaitan yang lain diikat dengan rantai-rantai belunggu.
39. (Kami katakan kepadanya): «Inilah kurniaan Kami (kepadamu), maka berikanlah (kepada sesiapa yang engkau suka), atau pertahankanlah kurniaan itu. (Terserahlah kepadamu) dengan tidak ada sebarang hitungan (untuk menyalahkanmu)».
40. Sesungguhnya dia mempunyai kedudukan yang dekat lagi mulia di sisi Kami, serta sebaik-baik tempat kembali (pada hari akhirat kelak).
41. (Ingatlah peristiwa) hamba Kami Ayub, ketika dia berdoa merayu kepada Tuhannya dengan berkata: «Sesungguhnya aku diganggu oleh syaitan dengan penderitaan dan bencana (penyakit)<sup>(1)</sup>».

وَالشَّيْطَانِ كُلِّ بَنَاءٍ وَعَوَاصٍ ﴿٣٧﴾

وَالْآخَرِينَ مُقْرَنِينَ فِي الْأَصْفَادِ ﴿٣٨﴾

هَذَا عَطَاؤُنَا فَامْنُنْ أَوْ أَمْسِكْ بِغَيْرِ حِسَابٍ ﴿٣٩﴾

وَإِنَّ لَهُ عِنْدَنَا لَرِجْفًا وَحَسَنَ مَقَابٍ ﴿٤٠﴾

وَإِذْ كَرِهَ اللَّهُ لِيَأْتِيَ إِلْيَافَ الْيُوسُفَ إِذْ نَادَى رَبَّهُ وَإِنِّي مَسْفِيءٌ  
الشَّيْطَانُ يَنْصُبُ وَعَذَابٍ ﴿٤١﴾

1 Nabi Ayub a.s telah diuji dengan penyakit kulit beberapa tahun lamanya dan dia memohon pertolongan kepada Allah. Allah memakbulkan doanya dan memerintahkan agar baginda menghentakkan kakinya ke bumi. Air yang terpancar dari bumi itu digunakan baginda untuk mandi dan minum sehingga sembuh daripada penyakitnya dan dia dapat =



42. (Maka Kami kabulkan permohonannya serta Kami perintahkan kepadanya): «Hentakkanlah kakimu (ke bumi), ini ialah air sejuk untuk mandi dan minum (bagi menyembuhkan penyakitmu zahir dan batin)».
43. Dan Kami kurniakan (lagi) kepadanya keluarga yang sekali ganda ramainya, sebagai satu rahmat daripada Kami dan sebagai satu peringatan bagi orang yang berakal.
44. (Kami perintahkan kepadanya): «Ambillah dengan tanganmu seikat jerami kemudian pukullah (isterimu) dengannya, dan janganlah engkau merosakkan sumpahmu itu<sup>(1)</sup>». Sesungguhnya Kami mendapati Ayub itu seorang yang sabar, dia adalah sebaik-baik hamba, sesungguhnya dia seorang yang taat (kepada Kami dengan ibadatnya).
45. (Ingatlah peristiwa) hamba-hamba Kami Ibrahim, Ishak dan Yaakub yang mempunyai kekuatan (melaksanakan taat setianya) dan pandangan

أَرَكُنْ بِرِجْلِكَ هَذَا مُعْتَسِلٌ بَارِدٌ وَشَرَابٌ ﴿٤٢﴾

وَوَهَبْنَا لَهُ إِهْلًا وَآهْلَهُ، وَوَسَّطْنَاهُمْ مَعَهُمْ رَحْمَةً مِنَّا وَذَكَرْنَا لِأُولَى الْأَلْبَابِ ﴿٤٣﴾

وَخَذْنَا بِيَدِهِ لُصْفًا فَكُضِبَ بِهِ، وَلَا تَمْنَسْ شَأْنًا وَجَدْنَاهُ صَابِرًا نِعْمَ الْعَبْدُ إِنَّهُ أَوَّابٌ ﴿٤٤﴾

وَأَذْكُرْ عَبْدَنَا إِبْرَاهِيمَ وَإِسْحَاقَ وَيَعْقُوبَ أُولَى الْأَيْدِي وَالْأَبْصَارِ ﴿٤٥﴾

= berkumpul kembali dengan keluarganya. Mereka kemudiannya berkembang dua kali ganda daripada jumlah yang asal.

1 Nabi Ayub a.s telah bersumpah bahawa dia akan memukul isterinya jika sakitnya sembuh sebagai hukuman kerana isterinya lalai menguruskannya sewaktu dia sakit. Tetapi akhirnya dia merasa belas terhadap isterinya sehingga tidak dapat memenuhi sumpahnya itu. Maka turunlah perintah Allah supaya dia memukul dengan seikat jerami agar dia dapat melaksanakan sumpahnya tanpa menyakiti isterinya.

yang mendalam (memahami agamanya).

46. Sesungguhnya Kami telah jadikan mereka suci bersih dengan satu sifat mereka yang murni, iaitu sifat sentiasa mengingati negeri akhirat.
47. Sesungguhnya mereka di sisi Kami adalah daripada pilihan yang sebaik-baiknya.
48. (Ingatlah peristiwa) Ismail, Ilyasa' serta Zulkifli, mereka masing-masing adalah daripada orang yang baik.
49. (Sifat-sifat yang mulia) ini adalah satu penghormatan (bagi mereka). Sesungguhnya bagi orang yang bertakwa, disediakan tempat kembali yang baik (pada hari akhirat kelak).
50. Iaitu beberapa buah syurga tempat penginapan yang kekal, yang terbuka pintu-pintunya bagi mereka.
51. (Mereka akan bersukaria) dalam syurga itu sambil berbaring (di atas pelamin), mereka meminta di situ buah-buahan dan minuman yang pelbagai jenis dan rasa.
52. Di sisi mereka pula bidadari-bidadari yang pandangannya hanya tertumpu (kepada mereka), serta sebaya umurnya.

إِنَّا أَخْلَصْنَاهُمْ بِخَالِصَةٍ ذُكِّرُوا الدَّارِ ﴿٤٦﴾

وَالَهُمْ عِنْدَنَا لِمِنَ الْمُصْطَفَيْنَ الْأَخْيَارِ ﴿٤٧﴾

وَأَذْكُرُوا اسماعِيلَ وَيَسَعَ وَذَا الْكِفْلِ وَكُلٌّ مِّنَ الْأَخْيَارِ ﴿٤٨﴾

هَذَا ذِكْرٌ لِّلْمُتَّقِينَ لِحُسْنِ مَّعَادٍ ﴿٤٩﴾

جَنَّاتٍ عِدْنٍ مَّفْتُوحَةٍ لَهُمْ الْأَنْبُوبِ ﴿٥٠﴾

مُتَّكِعِينَ فِيهَا يَدْعُونَ فِيهَا بِفَاكِهَةٍ كَثِيرَةٍ وَشَرَابٍ ﴿٥١﴾

وَعِنْدَهُمْ قَصْرٌ طَّرْفِ الْأَنْبِ ﴿٥٢﴾

53. Inilah balasan yang dijanjikan kepada kamu pada hari Perhitungan<sup>(1)</sup>.
54. Sesungguhnya ini ialah kurniaan Kami kepada kamu, kurniaan yang tidak akan habis.
55. Nikmat-nikmat ini (adalah bagi orang yang bertakwa). Dan sesungguhnya bagi orang yang zalim seburuk-buruk tempat kembali.
56. Iaitu neraka Jahannam yang mereka akan memasukinya, maka seburuk-buruk tempat menetap ialah neraka Jahannam.
57. Inilah azab yang dijanjikan, maka hendaklah mereka merasainya. Air panas yang menggelegak dan air danur yang mengalir (untuk minuman mereka).
58. Serta pelbagai jenis azab yang lain yang serupa buruknya dan dahsyatnya.
59. (Penjaga neraka berkata kepada ketua-ketua golongan kafir itu): «Ini ialah serombongan (orang kamu) yang masuk berasak-asak bersama-sama kamu». (Ketua-ketua itu berkata): «Mereka tidak perlu dialu-alukan, kerana sesungguhnya mereka pun akan memasuki neraka».
60. Pengikut-pengikut mereka menjawab: «Bahkan kamulah

هَذَا مَا توعَدُونَ لِيَوْمِ الْحِسَابِ ﴿٥٣﴾

إِنَّ هَذَا لَرِزْقُنَا مَا لَهُ مِنْ نَفَادٍ ﴿٥٤﴾

هَذَا وَإِنَّ لِلظَّالِمِينَ لَشَرَّ مَنَابٍ ﴿٥٥﴾

جَهَنَّمَ يَصَلُّونَهَا فَيَسَّ السَّجْدَ ﴿٥٦﴾

هَذَا أَقْلِيدُ وَقُوَّةٌ سَمِيمَةٌ وَعَسَاقٌ ﴿٥٧﴾

وَأَحْرَبٌ مِنْ شَكَاةِ أَزْوَاجٍ ﴿٥٨﴾

هَذَا فَوْجٌ مُقْتَحِمٌ مَعَكُمْ لَا مَرْجَأَ

بِهِمْ إِنَّهُمْ صَلُّوا النَّارَ ﴿٥٩﴾

قَالُوا بَلْ أَنْتُمْ لَأَمْجِبَاءُ كَمَا أَنْتُمْ قَدْ مَتَمُّوهُ لَنَا

فَيَسَّ الْقَرَارَ ﴿٦٠﴾

1 hari kiamat.

yang tidak perlu dialu-alukan, kerana kamulah yang membawa azab ini kepada kami, maka amat buruk neraka ini sebagai tempat tinggal».

61. Mereka berkata lagi: «Wahai Tuhan kami! Sesiapa yang membawa azab ini kepada kami, maka tambahkanlah baginya azab yang berlipat kali ganda di dalam neraka».
62. Penduduk neraka itu akan bertanya sesama sendiri: «Mengapa kita tidak melihat orang yang dulunya kita anggap sebagai orang jahat (lagi hina)?»
63. «Adakah kita mempersendakan mereka (sedangkan mereka orang yang benar)? Atau mata kita tidak dapat melihat mereka?»
64. Sesungguhnya (segala yang diterangkan) itu adalah benar iaitu perbalahan dan cercaan penduduk neraka sesama sendiri.
65. Katakanlah (wahai Muhammad): «Sesungguhnya aku hanyalah seorang rasul pemberi peringatan. Tidak ada sama sekali tuhan yang sebenar melainkan Allah yang Maha Esa lagi Maha Gagah Perkasa».
66. «Tuhan langit dan bumi dan apa yang ada di antara keduanya, yang Maha Perkasa lagi Maha Pengampun».

قَالُوا رَبَّنَا مَنْ قَدَّمَ لَنَا هَذَا فَزِدْهُ عَذَابًا  
ضَعْفًا فِي النَّارِ ﴿٦١﴾

وَقَالُوا مَا لَنَا لَنَرِي رِجَالًا كَانُوا نَعُدُّهُمْ مِّنَ  
الْأَشْرَارِ ﴿٦٢﴾

أَتَتَّخِذُهُمْ سِحْرِيًّا أَمْ رَأَيْتَ عَنْهُمْ الْآبْصَارُ ﴿٦٣﴾

إِنَّ ذَلِكَ لَحَقٌّ تَخَاصُّهُ أَهْلُ النَّارِ ﴿٦٤﴾

قُلْ إِنَّمَا أَنَا مُنذِرٌ وَمَا مِنَّ إِلَهٍ إِلَّا اللَّهُ الْوَاحِدُ  
الْقَهَّارُ ﴿٦٥﴾

رَبُّ السَّمَوَاتِ وَالْأَرْضِ وَمَا بَيْنَهُمَا الْعَزِيزُ  
الْعَفْوُ ﴿٦٦﴾

67. Katakanlah lagi: «Apa yang aku terangkan itu (tentang keesaan Allah dan kebenaran kerasulanku) adalah berita penting yang amat besar».
68. «Yang kamu terus mengingkarinya».
69. «Aku tidak mempunyai sebarang pengetahuan tentang penduduk alam yang tinggi (malaikat), semasa mereka bersoal jawab (mengenai Adam)».
70. «Tidaklah diwahyukan kepadaku melainkan kerana aku seorang rasul pemberi peringatan yang nyata».
71. Ketika Tuhanmu berfirman kepada para malaikat:  
«Sesungguhnya Aku hendak menciptakan manusia daripada tanah».
72. «Kemudian apabila Aku sempurnakan kejadiannya, serta Aku tiupkan padanya roh daripada (ciptaan) Ku, maka hendaklah kamu sujud kepadanya».
73. Maka sujudlah semua malaikat.
74. Melainkan Iblis, ia menyombongkan diri maka jadilah ia daripada golongan yang kafir.
75. Allah berfirman: «Hai iblis! Apakah yang menghalangmu daripada turut sujud kepada (Adam) yang Aku telah ciptakan

قُلْ هُوَ نَبَأٌ عَظِيمٌ ﴿٦٧﴾

أَنْتُمْ عَنْهُ مُعْرِضُونَ ﴿٦٨﴾

مَا كَانَ لِي مِنْ عِلْمٍ بِالْمَلَائِكَةِ إِذْ يَخْتَصِمُونَ ﴿٦٩﴾

إِنْ يُوحَىٰ إِلَيَّ إِلَّا أَنْتَأْتَانِي أَنْذِيرٌ مُّبِينٌ ﴿٧٠﴾

إِذْ قَالَ رَبُّكَ لِلْمَلَائِكَةِ إِنِّي خَالِقٌ بَشَرًا مِنْ طِينٍ ﴿٧١﴾

فَإِذَا سَوَّيْتُهُ وَنَفَخْتُ فِيهِ مِنْ رُوحِي فَقَعُوا لَهُ

سَاجِدِينَ ﴿٧٢﴾

فَسَجَدَ الْمَلَائِكَةُ كُلُّهُمْ أَجْمَعُونَ ﴿٧٣﴾

إِلَّا إِبْلِيسَ اسْتَكْبَرَ وَكَانَ مِنَ الْكَافِرِينَ ﴿٧٤﴾

قَالَ يَا إِبْلِيسُ مَا مَنَعَكَ أَنْ تَسْجُدَ لِمَا خَلَقْتُ

بِيَدِي ۗ اسْتَكْبَرْتَ أَفَكُنْتَ مِنَ الْغَالِينَ ﴿٧٥﴾

dengan kedua-dua tanganKu?  
Adakah engkau menyombongkan diri, ataupun engkau termasuk golongan yang tertinggi?»

76. Iblis menjawab: «Aku lebih baik daripadanya, Engkau ciptakan aku daripada api, sedangkan dia Engkau ciptakan daripada tanah».
77. Allah berfirman: «Kalau demikian, keluarlah engkau daripadanya, kerana sesungguhnya engkau adalah makhluk yang diusir.
78. «Dan sesungguhnya engkau ditimpa laknatku terus menerus hingga ke hari kiamat!»
79. Iblis berkata: «Wahai Tuhanku! Jika demikian, berilah tempoh kepadaku hingga ke hari mereka dibangkitkan (hari kiamat)».
80. Allah berfirman: «Maka sesungguhnya engkau daripada golongan yang diberi tempoh».
81. «Sampai hari yang telah ditentukan waktunya».
82. Iblis berkata: «Demi kekuasaanMu (wahai Tuhanku), aku akan menyekatkan mereka semua».
83. «Kecuali hamba-hambaMu yang terpilih di antara mereka».
84. Allah berfirman: «Maka Akulah Tuhan yang sebenar-benarnya, dan hanya kebenaran yang Aku firmankan».

قَالَ أَنَا خَيْرٌ مِّنْهُ خَلَقْتَنِي مِن نَّارٍ وَخَلَقْتَهُ مِن طِينٍ ﴿٧٦﴾

قَالَ فَأخْرِجْهَا فَإِنَّكَ رَجِيمٌ ﴿٧٧﴾

وَإِنَّ عَلَيْكَ لعَذَابَ إِلَى يَوْمِ الدِّينِ ﴿٧٨﴾

قَالَ رَبِّ فَأَنْظِرْنِي إِلَى يَوْمِ يُبْعَثُونَ ﴿٧٩﴾

قَالَ فَإِنَّكَ مِنَ الْمُنْظَرِينَ ﴿٨٠﴾

إِلَى يَوْمِ الْوَقْتِ الْمَعْلُومِ ﴿٨١﴾

قَالَ فَبِعِزَّتِكَ لأَعْوِبَنَّهُمْ أَجْمَعِينَ ﴿٨٢﴾

إِلَّا عِبَادَكَ مِنْهُمْ الْمُخَاصِينَ ﴿٨٣﴾

قَالَ فَالْحَقُّ وَالْحَقَّ أَقُولُ ﴿٨٤﴾

85. «Sesungguhnya! Aku akan penuhkan neraka Jahannam denganmu dan dengan semua yang mengikutimu».
86. Katakanlah (wahai Muhammad): «Aku tidak meminta kepada kamu sebarang upah kerana menyampaikan ajaran al-Quran ini dan aku bukan termasuk orang yang mereka-reka».
87. Ia (al-Quran) tidak lain hanyalah peringatan bagi penduduk semesta alam.
88. Sesungguhnya, kamu akan mengetahui kebenaran perkara-perkara yang diterangkannya tidak lama lagi<sup>(1)</sup>.

لَأَمْلَأَنَّ جَهَنَّمَ مِنْكَ وَمِمَّن تَبِعَكَ مِنْهُمْ أَجْمَعِينَ ﴿٨٥﴾

قُلْ مَا أَسْأَلُكُمْ عَلَيْهِ مِنْ أَجْرٍ وَمَا أَنَا مِنَ الْمُتَكَلِّفِينَ ﴿٨٦﴾

إِنْ هُوَ إِلَّا ذِكْرٌ لِلْعَالَمِينَ ﴿٨٧﴾

وَلَتَعْلَمَنَّ بِنَاءَهُ بَعْدَ حِينٍ ﴿٨٨﴾

1 Kebenaran berita al-Quran itu ada yang terlaksana di dunia dan ada yang terlaksana di akhirat. Yang terlaksana di dunia seperti kebenaran janji Allah kepada orang yang beriman bahawa mereka akan menang dalam peperangan dan yang terlaksana di akhirat seperti kebenaran janji Allah tentang balasan terhadap manusia.